

22 MAR 2001

DR MAHATHIR TEMUI WARGA GERAK KHAS ATM DI MELAKA

KUALA LUMPUR, 22 Mac (Bernama) -- Satu perhimpunan perdana Gerak Khas 2001 yang melibatkan kesemua warga Gerak Khas Angkatan Tentera Malaysia (ATM) bersama Perdana Menteri akan diadakan di Melaka April ini.

Menurut kenyataan Kementerian Pertahanan di sini hari ini, perhimpunan yang turut merangkumi anggota Gerak Khas yang bersara itu akan diadakan di Kem Sungai Udang, Melaka selama dua hari mulai 6 April.

Datuk Seri Dr Mahathir Mohamad akan menghadiri perhimpunan itu pada 7 April.

Acara akan bermula dengan bekas-bekas warga Gerak Khas melapor diri pada 6 April dan diikuti dengan majlis makan malam.

Acara pada hari kedua akan melibatkan perbarisan, Demonstrasi Kepakaran Gerak Khas dan perjumpaan dengan semua anggota Beret Hijau sama ada yang masih berkhidmat atau yang telah bersara.

Kementerian itu meminta semua bekas warga Gerak Khas membuat pengesahan alamat bagi tujuan penghantaran kad jemputan.

Sebarang pertanyaan mengenai perhimpunan boleh dikemukakan kepada Mej Khairul Anuar Yaacob di talian 03-2314736, Mej Fadzil Tajuddin, Mej Albasori Abdul Hamid dan Mej Mohamed Zaki Hamzah di talian 06-3512001 (samb 201, 252 dan 132) ataupun Mej Abdul Malek Hamid di talian 03-60641501 (samb 1002).

-- BERNAMA

SNS AR RON